


RAPORTI I EKSPERTIT SHQYRTUES



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Agim Sheqiri-Ekspert Shqyrtues 	Data e autorizimit të ekspertit 06.09.2022	Data e dorëzimit të raportit 15.09.2022	Nr. lëndës: 397;409/22
---	---	--	---------------------------

BAZA LIGJORE E SHQYRTIMIT

Më datën: 26 dhe 29 gusht 2022 OE. "Pharma Leader" LLC dhe OE. "Meditech" kanë parashtruar ankesë me numër: 397 dhe 409/22, për aktivitetin prokurimit me titull "Furnizim me Insulina analoge nga Lista Esenciale" Lot 1 dhe 3, me nr. te prokurimit: 206- 20-8397-1-1-1 të realizuar nga Ministria e Shëndetësisë

Autoriteti Kontraktues ka zbatuar procedure të hapur, kontratë për furnizim dhe vlera e parashikuar për Lot 1 1,239,245.44 Euro , ndërsa për Lot 3 vlera e parashikuar ka qenë 4,851,824.16 Euro

- Njoftimi për kontratë është publikuar me date 12.12.2020 , ndërsa hapja publike është bere me date 05.01.2021
- Publikimi i vendimit për rekomandim është bërë me datë 22.02.2021, dhe për kontratë për llot I dhe III rekomandohet OE "Pharma Leader" LLC me çmim prej 1,097,467.36 Euro per Lot I dhe 4,109,006.12 Euro për Lot III
- Kërkesa e parë për rishqyrtim nga OE Meditech"parashtrohet me datë 26.02.2022 dhe sipas vendimi të datës 01.03.2021 ankesa aprovohet si e bazuar dhe AK sipas vendimi te datës 05.03.2021 për kontrata rekomandon OE "Meditech me çmim prej 1,114,726.72 për lot I dhe 4,456,908.24 Euro për Lot III
- OE"Pharam Leader"LLC me date 10.03.2021 parashtron kërkesë për rishqyrtimit e cila nga ana e Autoritetit Kontraktues konsiderohet si e pa bazuar dhe si rezultat i refuzimi te kërkesës për rishqyrtim me datë 15.03.2021 parashtron ankesë në OSHP, dhe sipas vendimit te Panelit Shqyrtues nr. 240/21 të datës 25.03.2021 kërkohet rivlerësim i aktiviteti të prokurimit.
- Edhe pse Paneli Shqyrtues lëshon vendim për rivlerësim AK përsëri me datë 28.04.2021 nxjerr vendim ku përsëri për kontratë rekomandon OE "Meditech"
- Me date 30.04.2021 OE. "Pharam Leader"LLC parashtron kërkesë për rishqyrtim e cila refuzohet nga nga AK dhe si rezultat i kësaj parashtron përsëri ankesë ne OSHP për te cilën ankesë është lëshuar një ekspertizë nga eksperti shqyrtues i cili gjithashtu rekomandon qe aktiviteti i prokurimit te rivlerësohet pasi qe vlerëson se pretendimet ankimore janë të bazuara .
- Pas vendimit të OSHP-së- nr . 397/21 Autoriteti kontraktues me datë 12.08.2022 publikon njoftimin mbi vendimi e AK për anulim të aktivitet të prokurimit.
- OE "Pharma Leader" kundër këtij vendimi me datë 16.07.2022 parashtron kërkesë për rishqyrtim Gjithashtu OE "Meditech " me datë 17.08.2022 parashtron kërkesë për rishqyrtim tek AK
- Kërkesat e parashtruar për rishqyrtim nga an e AK-së konsiderohen si kërkesa si të pabazuar dhe dhe sipas njoftimit mbetet në fuqi vendimi për anulim te aktivitet të prokurimit.
- Operatoret Ekonomik të lartcekur me date 26 dhe 29 gusht parashtroj ankesa ne OSHP me nr protokolli 397dhe 409/22

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE SIPAS OE ANKUES

Shkeljet e pretenduara nga OE "Pharma Leader" janë si ne vijim

Neni 1, 6, 7, 52, 59, 60, 62, 69, 105, 108/A dhe 131 të LPP-së.

Neni 43 dhe 44, të RRUOPP-

Vendimi PSH.Nr.240/21 të dt.25.03.2021

Ekspertiza Nr.397/21 dt.31.05.2021.

Udhëzimi Administrativ Nr. 02/2014, për Thjeshtësimin e Procedurave të Regjistrimit dhe Importit të Produkteve Medicinale.

1.

2. Deklaratë detale mbi faktet dhe argumentet

Me datën 16.08.2022, kemi parashtruar kërkesë për ri shqyrtim të vendimit sipas nenit 108/A, të LPP-se, përkundër faktit se AK, sipas paragrafit 9, të nenit 108/A, Refuzimi do të arsyetohet dhe do të komunikohen me shkrim, në përputhje me këtë ligj, parashtruesit të ankesës dhe të gjitha palëve të interesuara, nëse ka ndonjë...".

AK- MSH, me datën 19.08.2022, lëshon njoftim (jo vendim) dhe nuk trajton asnjërin nga pretendimet tona ankimore por thirret në vendimin e OSHP-se, të datës 25.07.2022, me nr. 397/21, ku vendimi i njëjtë askund nuk kërkon anulimin e aktivitetit të prokurimit

Pretendimi nr 1 Me datën 12.08.2022, kemi pranuar njoftimin mbi vendimin e autoritetit, ku AK-MSH, ka propozuar anulimin e aktivitetit të prokurimit "Furnizim me Insulina Anloge nga Lista Esenciale" me Nr. të prokurimit 206-20-8397-1-1-1, për Lot 1 dhe Lot 3. AK edhe përmes këtij njoftimi përsëri, shkel dispozitat e LPP-se si dhe parimet kryesore të prokurimit publik.

Në të njëjtin vendim në njërin anë si arsyetim të anulimit të procedurës AK, është bazuar në nenin 1 dhe nenin 6 të LPP-se, për shfrytëzim të drejtë të fondeve dhe burimeve publike, në anën tjetër i është referuar çmimit të ofertës e cila ka qenë me vlerë të lartë se oferta e jone në Lotet 1 dhe 3 ku ka theksuar "OE / rekomanduar për kontratë në vitin 2021, për Lot 1 të këtij aktiviteti të prokurimit ka qenë me çmim për njësi 4.36 Euro, ndërsa kontrata e fundit që ju si AK keni lidhur me të njëjtin OE ka qenë 4.25 Euro, ndërsa në Lot 3 po ashtu çmimi i ofertës me të njëjtin OE ka qenë 4.74 Euro, ndërsa kontrata e fundit e negociuar ka qenë me çmim 4.60 Euro për njësi.

Përkundrazi AK- MSH, fare mirë ka qenë në dijeni se për këto aktivitete të prokurimit në vlerësimin e komisionit të parë të ofertave dhe në Njoftimin mbi vendimin e AK në si kompani jemi shpallur të përgjegjshëm në Lot 1 me çmimin për njësi 4.18 Euro, ndërsa në Lot 3 me çmim për njësi prej 4.37 Euro. (shiko procesverbalin e hapjes së ofertave 05.01.2021 si dhe raportin e vlerësimit të ofertave të datës 08.02.2021 dhe Njoftimin mbi vendimin e AK-së të datës. 22.01.2021 Provë.

Nga analiza e mësipërme e çmimeve, kuptohet qartë se në kemi çmimin më të ulët në krahasim me OE të rekomanduar për kontratë MEDITECH dhe në krahasim edhe me kontratën e nënshkruar, të cilës i është referuar Autoriteti Kontraktues (e cila nuk është palë në këtë procedurë)

Krahasimi është bërë me kontratën e lidhur me procedurë të negociuar me te njëjtin operator ekonomik pasi lindi jonë për një kohë të gjatë mbeti në OSHP, i njëjti AK e ka ftuar vetëm ofertuesin MEDITECH dhe është lidhë kontrate sipas kësaj procedure dhe neve fare nuk na kanë ftuar në këtë aktivitet prokurimi edhe pse disa here në mënyrë zyrtare përmes e-mailave dhe kërkesave të protokoluara kemi kërkuar dhe njoftuar AK-MSH se i posedojmë Insulinat e kërkuara në Depon të farmaceutike të gatshme për dorëzim brenda ditës (provë)

Vlenë të theksohet se edhe kjo kontratë nëse krahasohet me çmimin e ofruar nga ana jonë është shumë më e lartë se sa që ne e kemi ofruar çmimin në këtë aktivitet të prokurimit dmth edhe ky tentim arsyetimi nuk qëndron që dmth. se AK duke e neglizhuar këtë aktivitet të prokurimit ka arritur prap të lidhë kontratë të kundërligjshme me OE të tij të preferuar dmth veq është dëmtuar buxheti AK me veprime të kundër ligjshme.

Prandaj nisur nga këto analiza dhe përshkrime që i bëmë, AK-ja është dashur të vazhdojë me procedurën e prokurimit dhe të na rekomandonin neve për kontratë, nëse më të vërtetë e kanë pasur qëllimin që të respektohen neni 1 dhe 6 i LPP-së.

Sa i përket analizës që i ka bërë AK-ja ndërmjet çmimit të OE të rekomanduar për kontratë MEDITECH dhe kontratës aktuale, e ka cekur që diferenca në çmim për dy Lotet është 160, 519.36€, është bërë vetëm sa për të arsyetuar dhe anuluar këtë aktivitet të prokurimit për këto dy Lote dhe për të favorizuar OE të rekomanduar për kontratë. Pra për të ja mundësuar edhe njëherë tenderimin dhe nuk kanë bërë asnjë krahasim me ofertën tonë me qëllimin e vetëm për të amnistuar veten dhe AK-MSH nga shkeljet e vazhdueshme të FDT-së dhe LPP-së.

Ndërsa për sqarimin tuaj nëse analizohet çmimi i ofertës së yni në total, me çmimin e OE të rekomanduar për kontratë MEDITECH, diferenca rezulton të jetë rreth 400,000.00 euro, kurse nëse krahasohet me kontratën aktuale rezulton të jetë 240, 000.00 €.

Pra, nëse do të ishte analizuar çmimi që nga fillimi, dhe nëse do të ishte marrë parasysh neni 1 dhe 6, atëherë ne do të kishim nënshkruar kontratë që moti dhe nuk do të kishte ardhur situata deri këtu me shkelje të vazhdueshme të ligjeve të LPP dhe FDT-së

Për procedurën e prokurimit: "Furnizim me Insulina Analoge nga lista esenciale" Loti 1 dhe 3, me numër të prokurimit 206-20-8397-111, në si operator ekonomik i përgjegjshëm, sipas kërkesave të percaktuara në dosje të tenderit dhe në njoftim për kontratë, tani me kemi konfirmimin edhe përmes organit përgjegjës për prokurim publik siç është OSHP, ku përmes vendimit të datës 25.03.2021, jemi shpallur si operator i përgjegjshëm dhe AK - MSH, është obliguar që pas ri vlerësimit të ofertave të na Ri rekomandon për kontratë sipas vlerësimit të ofertave. Për kundër këtij fakti, AK ka shkelur dispozitat e nenit 105, të LPP-së, duke mos respektuar vendimin e Panelit Shqyrtues 240/2021. (Shiqo vendimin e PSH-së nr, 240/2021, të datës 25.03.2021).

Është me rëndësi të theksohet fakti se AK - MSH, pas kërkesës për ri shqyrtim të datës 26.02.2021, të OE "Meditech", me nxitim e aprovojne kërkesën si të bazuar, duke u mbështetur në pretendime ankimore të cilat i referohen interpretimeve të pa verteta-shpifjeve, për kundër faktit se AK-MSH, paraprakisht të gjitha pretendimet ankimore të "Meditech", i ka trajtuar dhe verifikuar zyrtarisht dhe një gjë të tillë në raportin e vlerësimit paraprak të ofertave e ka konstatuar dhe bashkangjitur në plotësimin e raportit.

AK, përmes aprovimit të pretendimeve të pavërteta-shpifjeve të cilat veq se i ka pasur të verifikueshme, lenden e kthen në ri-vlerësim dhe e rekomandon për kontratë OE ankues në kohë rekorde pa u konsultuar fare

me komisionin paraprak dhe pa kerkuar informacione shtese per te arsyetuar vendimin e marre ne kundërshtim me vendimin e meparshem te aprovuar nga vete AK-MSH.

Kete shkelje te FDT dhe LPP-se te pretenduar ne Kerkesen tone per rishqyrtim e cila refuzohet nga AK MSH si e pabazuar e konstaton edhe eksperti dhe paneli shqyrtues i OSHP-se ku kan konstatuar se pretendimet tona ankimore jane te bazuara ne te gjitha aspektet sa i perket Lotit 1 dhe Lotit 3 (Vendimi i PSH-se nr, 240/2021, te dates 25.03.2021.

AK- zyrtaret përgjegjës te prokurimit, kane qene dashur te jene te vetedijshem se te pavertetat-shpifja është e dënueshme sipas ligjeve tjera ne fuqi, por qud itrisht behet pjese e tyre kundrejte kompanise tone te cilat ne si OE pas vendimarrjes se kesaj procedure te prokurimit, do ti raportojme ne organet tjera kompetente pasi qe imazhi i kompanisë tone dhe prodhuesit ne vazhdimësi tentohet te njolloset

Pretndimi 3 Per kundër kësej ne përsëri e kemi kontestuar Ri vlerësimin dhe shkeljet e AK-se, ku përkundër vendimit te Panelit Shqyrtues të OSHP-së, oferten ton e trajton si te pa pergjegjeshme me arsyetimin e njëjtë pa asnjë argument shtesë, prandaj ne ri vleresimin e ofertave perseri e kemi kontestuar ne OSHP.dhe me dt 31.05.2021, kemi pranuar raportin e dyte te ekspertizes me nr 397/21, ku pretendimet tona ankimore jane rilegjitimuar dhe përgjegjshmëria e ofertës tone per dy Lotet eshte rikonstatuar. (shiqo raportin e ekspertit shqyrtues te dates 31.05.2021, me nr. 397/21.

Pavarësisht këtyre fakteve AK - MSH, nuk e ka zbatuar vendimin e OSHP dhe mendimet e eksperteve, keto veprime te AK-se behen qëllimisht meqë OSHP, ne këtë kohe ka mbetur pa bord funksional, pra AK - MSH, ne menyre te kundërligjshme duke e shfrytezuar situatën ne OSHP qe kishte mbetur pa bord dhe ! ishin te vetëdijshëm se nuk ka kush te merr masa ndaj AK- MSH, perseri nuk e perfillin vendimin e OSHP te dates 25.03.2021, por ne mënyre te kundërligjshme e ka shpallur fitues OE i cili ishte gati gjysmë milioni euro me i shtrenjtë, AK- MSH, per kundër këtij fakti ka vazhduar me shkelje dhe pretendon ne vazhdimësi ta anulon Lotin 1 dhe Lot 3, per te amnistuar veprimet veta kundërligjore te kësaj procedure te prokurimit, me qëllimin e vetëm qe te procedon me tej dhe te negocioj kontratë te re me operatorin ekonomik "Meditech" kompani e cila favorizohet nga AK - MSH, kohe te gjate. Pra qëllimi i AK-se edhe tani është qe pas anulimit te kësaj procedure te prokurimit përsëri te negocioj kontratë te re me kompaninë e njëjtë dhe te vazhdohet me shkelje ligjore dhe keqpërdorim te paras publike.

Pra AK, pas pezullimit te kësaj procedure te prokurimit, kontrakton ne mënyrë te paligjshme duke e dëmtuar rende buxhetin e MSH-se, Furnizim me Insulina Analoge permes UNOPS (ne dy raste) dhe nje procedure te negociuar pa publikim te kontratës ne kundërshtim me nenin 35 te LPP-se, paragrafi 2.1pika.

(iii) nëse, për aq sa është shumë e nevojshme për arsye të emergjencave ekstreme që janë shkaktuar nga ngjarje objektivisht të venfikueshme të cilat nuk kanë pasur mundësi të parashikohen me arsye nga autoriteti përkatës kontraktues, autoriteti i tillë kontraktues nuk mund ta japë kohën e kërkuar për ushtnmin e cilësdo procedurë tjetër që parashtrohet në këtë ligj. Me kusht që kjo dispozitë të mos mund të shfrytëzohet nëse rrethanat që e kanë krijuar situatën emergjente ekstreme mund t'u atribuohen veprimeve neglizhente ose të qëllimta ose fëshimeve të autoritetit kontraktues.

Pra AK - MSH, sipas veprimeve kundërligjore dhe neglizhente te qellimshme i ka shkaktuar dem material buxhetit te Republikes se Kosoves me shum se gjysem milioni euro dhe te gjitha keto pasoja i atribuohen vet AK - MSH. Edhe KRPP, me daten 21.06.2022, ka nxjerr njoftim me numer. 51/22, ku pergjegjesin per veprime kundërligjore e barte tek AK (siqo njoftimin nr. 51/22, te dates 21.06.2022.

Bazuar në arsyet, faktet dhe argumentet e theksuara më lartë jemi të bindur se Ekzaminimi, rivlerësimi dhe krahasimi i tenderëve nuk është bërë në harmoni me nenin 59 të LPP-së, sepse oferta jonë është në harmoni me të gjitha kriteret e parapara me NJK dhe me DT, ku kompania jone sipas vlerësimit të parë është shpallur si e përgjegjshme dhe me çmimin me të lirë të ofertave (krahaso çmimin e ofertës tone me çmimet e kontratave të negociuara) ku ne ishim ofertuesi me çmim më të lirë siq ishte përcaktuar edhe kriteri i dhenjes "çmimi me i ulët.

Pretendim nr 4 Ne përmes procedurës së hapur, jemi shpallur si të përgjegjshëm dhe çmimi i ofertes tone për të dy Lotet ka qenë rreth 400,000.00 Euro me të lirë. Ne si kompani jemi në proces të analizave financiare për procedurë të hapur në raport me ato të negociuara të lidhura nga AK- MSH, ku demet financiare rezultojnë të jenë tejte të larta, si rezultat i çmimeve të ofertave të negociuar dhe kontratave të lidhura nga AK, përmes marrëveshjeve - memorandumëve me UNOPS.

Demet financiare të shkaktuara kundër buxhetit të Republikës së Kosovës të cilat me rastin e përfundimit të kontratave të negociuara do t'i deklarojmë në organet tjera ligjzbatuese, ku kete qeshtje AK-MSH, përmes njoftimit të datës 12.08.2022, edhe vetë e ka konfirmuar se çmimi i ofertës së negociuar është dukshëm më i lartë se çmimi jone i ofruar në procedurë të hapur.

Pretendimi nr 5 Ne si OE, pale e interesuar, sipas nenit 4, paragrafi 1.26 të LPP-së, kërkojmë nga Organi Shqyrtues i Prokurimit, që ndaj zyrtarëve përgjegjës të Ministrisë së Shëndetësisë, që të marrë masa për të parandaluar shkeljet ligjore dhe keqpërdorimin e paras publike. Ne perseri kërkojmë që të zbatohen në mënyrë të drejtë dispozitat ligjore për prokurim publik në fuqi të nxirret vendim dhe të urdherohet AK që kompanin tone ta shpallë si të përgjegjshme sipas vlerësimit të ofertave ku është konstatuar edhe nga organet tjera përgjegjëse, për zbatim të legjislacionit që nderlidhet me produktet tona të ofertuara dhe ku është konstatuar se të njëjtat produkte i plotësojnë të gjitha kushtet për përdorim si dhe të gjitha kriteret e kualifikimit të aplikuar në dosje të tenderit dhe njoftimit për kontratë..

AK - MSH, dhe zyrtarët përgjegjës të prokurimit për gjat vlerësimit të ofertave kanë kërkuar dhe kanë marrë konfirmim nga AKPPM - Agjensioni përgjegjës për produkte dhe pajisje medicinale, që produktet tona mund të importohen dhe të tregtohen gjë që është vertetuar edhe me leshimin e Lejeve të Importit, bazuar në këtë në kemi importuar dhe furnizojmë edhe në këto momente disa spitale private, gjithëmonë sipas procedurave dhe legjislacionit në fuqi

Pretendim nr 6 Për kundër këtij fakti AK - MSH, konkretisht zyrtari i njëjt përgjegjës për prokurim i cili ka rekomanduar ofertën tonë për dhënie të kontratës sipas vlerësimit të ofertave, i njëjti zyrtar, ofertën tone e eliminon me arsyetimin se ne si kompani "nuk e kemi të regjistruar barin - autorizimi për marketing nga AKPPM, me specifikimin e kërkuar të produktit Ne rast se nuk ka paralele të regjistruar në Kosovë, vlenë UA 02 2014 Për thjeshtimin e procedurave për regjistrimin dhe importin e produkteve medicinale të cilat nuk kanë paralele të regjistruara në Republikën e Kosovës.

Pra edhe pas ri vlerësimit të ofertave AK ka shkelur dispozitat e nenit 52.3, të LPP-së ku ka dhënë arsyetimin e njëjte të eliminimit pa argumente shtese përkundër konstatimit të OSHP-së se vendimi AK- MSH është në kundërshtim me kërkesat e dosjes së tenderit, "Vetëm kriteret e matëshme dhe të cilat paraprakisht janë përcaktuar në dosjen e tenderit mund të shfrytëzohen për vlerësim.

AK- MSH, përveç që nuk ka respektuar dispozitat e LPP-së dhe kërkesat e aplikuar në dosje të tenderit, nuk ka zbatuar ligjet tjera në fuqi dhe nuk ka respektuar institucionet kompetente siq është Agjencioni për Produkte dhe Pajisje Medicinale-përgjegjës për Leje Importi për produkte dhe pajisje medicinale, Organin Shqyrtues të Prokurimit-organi më i lartë i prokurimit dhe Dogana e Kosovës e cila për të aprovuar importin e

produkteve medicinale domosdoshmërisht produkti duhet të posedoj Lejen e Importit lëshuar nga AKPPM.

Te kërkesat e kapacitetit teknik dhe profesional AK - MSH, ka kërkuar.

Kërkohej regjistrimi i barit - autorizimi për marketing nga AKPPM, me specifikimin e

kërkuar të produktit. Në rast se nuk ka paralele të regjistruar në Kosovë, vlenë UA 02/2014 Për thjeshtimin e procedurave për regjistrimin dhe importin e produkteve medicinale të cilat nuk kanë paralele të regjistruara në Republikën e Kosovës.

DESHMIA

Autorizimi për Marketing në Kosovë, me specifikimin e kërkuar të produktit. Në rast se nuk ka paralele të regjistruar në Kosovë vlenë UA 02 2014 dhe për dëshmi - Kopja e Certifikatës së Autorizimit Marketingut në një vend të BE (si dëshmi se produkti qarkullon në BE).

Ekspertit shqyrtues i kërkojmë me vëmendje ta analizojë kriterin 9.1 dhe 9.2 të FDT-së e potencuar më lartë dhe ta analizojë se sa me dinakëri AK MSH tenton të shmangët kriterin të paraparë pas kërkesës tonë për rishqyrtim të datës 10.03.2021 me përgjigjeje në vendimin e AK të datës 12.03.2021 në faqen 6 të vendimit shih si e devijon kriterin shihë përgjigjeje jen citojë: Pjesa e parë e kriterit të tenderit është „Kërkohej regjistrimi i barit -autorizim për marketing nga AKPPM” ku prioritet kanë produktet që janë të regjistruara në Republikën e Kosovës,krahasuar me produktet që nuk janë të regjistruara.

Pretendim nr 7 Perkunder faktit se rivlerësimi i ofertave është bërë në kundërshtim me dispozitat e nenit 59, të LPP-se dhe vendimit të OSHP-se, Udhëzimi Administrativ, 02-2014, për thjeshtesimin e procedurave për regjistrimin dhe importin e produkteve medicinale të cilat nuk kanë paralele të regjistruara në RKS, i cili edhe tani por edhe në kohën e inicimit të këtij aktiviteti të prokurimit ka qenë në fuqi,në nenin 2.5 përcaktohet qartë: 'Baza për vendimmarrje në përputhje me këtë Udhëzim administrativ do të jetë lista e produkteve të regjistruara në AKPPM, në bazë të nivelit 5 të kodit ATC dhe formës farmaceutike.

Niveli i 5-të sipas OBSH-së e cila përcakton kategoritë e ATC kodeve, përcaktohet në bazë të origjinës së produkteve. Produkti me të cilin kompania jone ka ofertuar LISPRO ka ATC kodin A10AB04 dhe bazë për prodhimin e kësaj Insuline është bakterja Escheria Coli me teknologjinë rekombinante të ADN-së, kurse produkti i ofertuar nga OE tjetër ASPART ka ATC kodin A10AD05 dhe bazë për prodhimin e kësaj insuline është këpurdha Saccharomyces cerevisiae me teknologjinë rekombinante të ADN-së. Këto insulina nuk janë të njëjta dhe janë pa paralele në mes veti e tregon edhe fakti se përpos origjinës, këto dy produkte-lloje të insulinave dallojnë edhe nga përmbajtja e aminoacideve në strukturën e tyre kimike. Insulina LISPRO bëhet duke ndërruar sekuencën e dy aminoacideve në zinxhirin beta: Prolina në B-28 ndërrohet me Lizinen me B-29, kurse insulina ASPART ka një zëvendësim të vetëm të prolinës për acidin asparik në pozicionin e 28 të zinxhirit B.

Duke u bazuar në sqarimet e lartëcekura kuptohet se për shkak të origjinës shumë të ndryshme të prodhimit dhe dallimit shumë të madh që kanë ndërmjet veti (njëra bakterie e tjetra këpurdhë) dhe strukturës kimike të ndryshme, atëherë kuptohet qartë që këto dy produkte edhe pse e kanë qëllimin e njëjtë -trajtimin e diabetit tip 1 dhe 2, këto produkte nuk janë të njëjta dhe me këtë rast rezulton dhe kuptohet se produkti LISPRO i ofruar nga ne, nuk ka paralele të regjistruar në Kosovë.

Sa për sqarim, ATC kodi i një produkti flet për grupin terapeutik dhe përmbajtjen e produktit, e ku përmbajtja e dy produkteve u sqarua më lartë.

Ndërsa sa ai përket formës farmaceutike e cila përmendet tek UA 02/2014, në këtë rast nuk është precizuar se produkti duhet ta ketë formën e njëjtë apo të ndryshme për tu cilësuar si pa paralele, por sa për sqarimin tuaj të dy OE kanë ofruar dy përkatësisht tre lloje të insulinave të cilat kanë formë të njëjtë | farmaceutike, por veprimin e ndryshëm dhe ATC kodin e ndryshëm, varësisht nga përmbajtja dhe veprimi. Prandaj konkludojmë se nuk është forma farmaceutike karakteristika që e përcakton dallimin e produktit por është përmbajtja dhe veprimi i produktit. Shiqo dëshmitë nga OBSH-ja përsqarimin e ATC kodeve dhe sqarimeve që ne i paraqitëm më furtë. Poashtu bashkangjitur gjeni komunikimet e dt. 03.02.2021 dhe 05.02.2021.

Produkti i ofruar nga ne është në përputhje të plotë me kërkesat e dosjes së tenderit, e po ashtu ky produkt i ka kaluar të gjitha filtrat e regjistrimit në dy Institucionet/Agjensionet më relevante ndërkombëtare/botërore siç janë EMA (European Medicines Agency) dhe FDA (Food and Drug Agency), fakt i cili tregon dhe flet për kualitetin dhe cilësin e lartë të këtij produkti, produkt i cili është në përdorim në SHBA, BE dhe nga me shumë se 150 vende të botes.

Pra AK - MSH, me rastin e anulimit të aktivitetit të prokurimit, përveq që kanë shkelur nenin 62, kanë shkelur edhe dispozitat e nenit 44,1 të RRUOPP-se.

Në rast të vendimit të anulimit të procedurës së prokurimit, AK menjëherë do të përgatisë dhe do të publikojë Formularin B58 'Njoftimin mbi vendimin e Autoritetit Kontraktues' ku paraqiten arsyet faktike dhe bazën ligjore të anulimit të tillë

Gjithashtu OE. "PHARMA LEADER" LLC përmes informatave shtesë që ka dorëzuar në OSHP pretendimet si në vijim:

Kompania jone sipas nenit 109, të LPP-se me datën 26.08.2022, parashtrorjme ankesë në Organin Shqyrtues të Prokurimit, por çuditërisht pas të gjitha këtyre veprimeve AK - MSH, me datën 02.09.2022, nxjerr vendim tjetër (përkundër faktit se me datën 18.08.2022 pezullon aktivitetin e prokurimit) dhe përsëri refuzon kërkesën tone si të pa bazuar me qëllimin e vetëm amnistimit të shkeljeve zingjirorë dhe esenciale të dispozitave ligjore dhe nenligjore të LPP-se.

Rregullat për parashtrim të kërkesës për ri shqyrtim nëni 6, përcakton " parashtrimi i kërkesës për rishqyrtim automatikisht pezullon procedurën e prokurimit dhe në këtë rast Autoriteti Kontraktues, respektivisht Zyrtari Përgjegjës i Prokurimit, duhet të njoftoj me shkrim të gjitha palët e interesuara lidhur me pezullimin e procedurës së prokurimit në fjale.

AK- Ministria e Shëndetësisë, për këtë procedurë të prokurimit dhe zyrtaret përgjegjës të sajë po thuaja se për çdo veprim të ndërmarr bëjnë shkelje ligjore, konkretisht edhe me datën 28.08.2022, nxjerr vendim përsëri për pezullim të aktivitetit të prokurimit pas parashtrimit tone të ankesë në OSHP.

Po ashtu e njoftoj Organin Shqyrtues të Prokurimit, se OE "Meditech" e ka parashtruar Kërkesë për Rishqyrtim me datën 17.08.2022, përderisa njoftimi i Autoritetit Kontraktues për anulim të aktivitetit të prokurimit është bërë me datën 12.08.2022, që rezulton se kërkesa për ri shqyrtim e OE "MEDITECH" është dorëzuar jashtë afatit ligjor.

Pra Autoriteti Kontraktues - Ministria e Shëndetësisë, detyrimisht është dashur që kërkesën e njëjtë ta hudhë si të jashtë afatshme, prandaj kërkojmë nga OSHP- Eksperti shqyrtues dhe Paneli shqyrtues që ankesën e OE Meditech shpik, ta hudhë posht atë të jashtë afatshme.

D

ispozitate nenit 112, te LPP-se, par 1 percaktojne : " Përveç nëse paneli përkatës shqyrtues nxjerr një vendim tjetër me shkrim dhe përderisa ta nxjerrë këtë vendim, dorëzimi i një ankese e obligon autoritetin kontraktues që automatikisht ta pezullojë zbatimin e aktivitetit të prokurimit me të cilin ka të bëjë ankesa në fjalë

Pretendimet ankimore te OE "Meditech".

Neni 7 - Barazia në Trajtim/Jo-Diskriminimi - përcakton që AK nuk do të ekzekutojë asnjë aspekt të aktivitetit të prokurimit në atë mënyrë që redukton apo eliminon konkurrencën në mes të OE, ose që diskriminon në dëm ose në të mire të një ose më shumë OE. Konfirmimi i anulimit të aktivitetit të prokurimit në rastin konkret, përmes një arsytimi tërësisht të paqëndrueshëm, lë dyshime për diskriminim në dëm të OE MEDITECH.

Neni 60 - Kriteret për Dhënien e Kontratës - përcakton se, që një tender të mund të shpërblehet me kontratë, ai duhet të jetë tender i përgjegjshëm - që plotëson të gjitha kërkesat e Dosjes së Tenderit, dhe të jetë tenderi me çmimin më të ulët ndër ofertat e përgjegjshme. Meditech i ka plotësuar të gjitha kërkesat e tenderit, dhe rrjedhimisht ka qenë detyrim i AK të shpërblejë me Kontratë.

Neni 62 - Përfundimi i Aktivitetit të Prokurimit - AK mund të anulojë/përfundojë aktivitetin e prokurimit në rast se: të gjithë tenderët e përgjegjshëm përmbajnë çmime që e tejkalojnë buxhetin e autoritetit kontraktues për aktivitetin e prokurimit; ka ndodhur ndonjë shkelje ligjore; apo kur një gjë e tillë është bërë e nevojshme, para hapjes së tenderëve, për shkak të ngjarjeve objektive jashtë kontrollit të AK.

Neni 108/A - Zgjidhja preliminare e mosmarrëveshjeve - përmes pikës 3.3 të paragrafit 3 të saj qartëson faktin se anulimi i aktiviteteve të prokurimit bëhet përmes një vendimi.

1. Deklaratë detale mbi faktet dhe argumentet.

Kjo Ankesë dorëzohet në përputhje me Nenin 109 të LPP-së, në raport me Njoftimin e AK për vërtetim të Njoftimit për Anulim të aktivitetit të prokurimit në fjalë - të dy këto njoftime të marra në kundërshtim me dispozitat e LPP-së.

Anulimin e aktivitetit të prokurimit AK e ka arsyetuar kinse për arsye të ndryshimit/uljes së çmimeve në treg. Kjo përkundër që: së pari, OSHP i ka dhënë të drejtë AK-së që ta nënshkruajë kontratën për aktivitetin e prokurimit në fjalë, sipas çmimeve të ofertuara; dhe, së dyti, çmimet e ofertës së përzgjedhur për kontratë janë në përputhje me çmimet aktuale të tregut.

Pra, përkundër se AK-së i është lejuar nënshkrimi i kontratës me OE MEDITECH, AK ka vendosur që të mos e nënshkruajë kontratën dhe që, në mënyrë kundërligjore, ta anulojë aktivitetin e prokurimit në fjalë.

Për më tepër, AK ka anuluar aktivitetin e prokurimit në fjalë përmes një njoftimi, përkundër që dispozitat ligjore në fuqi përcaktojnë që anulimi duhet të bëhet përmes një vendimi.

Anulimi i aktivitetit të prokurimit është bërë në kundërshtim me ligjin në fuqi

LPP përcakton që anulimi i një aktiviteti të prokurimit duhet të bëhet përmes një vendimi - e jo përmes një njoftimi siç është rastin konkret .

Sipas LPP-së, anulimi i aktiviteteve të prokurimit duhet bëhet përmes vendimeve që lëshohen nga AK. Pas

vendimeve për anulim, kuptohet, lëshohen edhe njoftimet për ato vendime. Në anën tjetër, në rastin konkret, AK, pa marrë (apo publikuar) një vendim, ka publikuar një njoftim për anulim të aktivitetit të prokurimit në fjalë.

Kështu, Neni 108/A i LPP-së së konsoliduar, në paragrafin 3, pikën 3.3, të tij, përcakton si vijon:

2. Kërkesa për shqyrtim duhet të dorëzohet tek autoriteti përkatës kontraktues, me postë ose me çdo mjet tjetër të komunikimit të lejuar me këtë ligj, brenda afateve të mëposhtme.

3. 3. Në qoftë se shkelja ka të bëjë me vendimin për anulimin e procedurës së prokurimit, brenda pesë (5) ditëve nga data kur aktiviteti i prokurimit është anuluar zyrtarisht përmes njoftimit për anulim.

Dispozita e lartcekur qartëson faktin se anulimi i një aktiviteti të prokurimit bëhet përmes një vendimi, i cili - vendim - bëhet publik dhe, rrjedhimisht, hyn në fuqi, përmes njoftimit për anulim.

Se anulimi duhet të bëhet përmes një vendimi, e jo përmes një njoftimi, në mënyrë indirekte, konfirmohet edhe nga vetë AK. Kështu, në njoftimin për anulimin e aktivitetit të prokurimit, në pjesën “lënda/tema”, AK ka shënuar si vijon: Njoftim mbi Vendimin e Autoritetit Kontraktues. Përmes kësaj fjalie, përkatësisht ketij emërtimi, AK ka bërë të qartë se akti i lëshuar është vetëm një njoftim, për të cilin - njoftim - duhet të ekzistojë edhe një vendim. Përkundër kësaj, AK nuk ka marrë fare vendim:

Arsyetimi i përdorur nga AK për anulim të aktivitetit të prokurimit në fjalë është tërësisht i pabazuar dhe nuk përkon me kushtet ligjore që kërkojnë të plotësohen në mënyrë që të lejohet anulimi i aktivitetit të prokurimit në fjalë. Shkaqet për të cilat mund të përfundohet/anulohet një aktivitet i prokurimit, janë përcaktuar në Nenin 62 të LPP-së, si në vijim:

“1.1. një shkelje e ligjit aktual ka ndodhur apo do të ndodh në procedurën e prokurimit, e cila nuk mund të rregullohet apo të parandalohet përmes një amendamenti ligjor të kushteve të prokurimit, duke përfshirë edhe rastet ku një dispozitë e këtij ligji kërkon anulimin e aktivitetit të prokurimit..

1.2 të gjithë tenderët e përgjegjshëm përmbajnë çmime që në masë substanciale e tejkalojnë buxhetin e autoritetit kontraktues për aktivitetin e prokurimit; apo

1.3 para hapjes së tenderëve, ndërprerja e aktivitetit të prokurimit është bërë e nevojshme për shkak të ngjarjeve objektive dhe që mund të demonstrohen dhe/ose arsyeve që janë jashtë kontrollit të autoritetit kontraktues dhe që nuk mund të parashikoheshin në kohën e inicimit të aktivitetit të prokurimit.

Në rastin konkret rezulton se nuk janë plotësuar asnjëri nga kushtet e mësipërme. Përkundër kësaj, AK ka anuluar aktivitetin e prokurimit me arsyetimin kinse për shkak të “ndryshimit gjendj së çmimeve në treg”. Arsyetimi i dhënë nga AK për anulim të aktivitetit të prokurimit nuk paraqet bazë ligjore sipas të cilës mund të anulohet një aktivitet i prokurimit.

Rrjedhimisht, rezulton se duhet të anulohet si i kundërligjshëm njoftimi përmes të cilit është anuluar aktiviteti i prokurimit në fjalë. Anulimi i vendimit të AK do të ndikonte që, fillimisht, të mos shkelet ligji i aplikueshëm në fuqi, që të realizohet synimi për të cilin AK ka hapur aktivitetin e prokurimit në fjalë, dhe që të mos dëmtohen OE MEDITECH, buxheti i AK, e as shëndeti i qytetarëve të Kosovës në instancë të fundit.

PRETENDIMIANKIMOR 2

OSHP i ka dhënë te drejtë AK që ta nënshkruajë Kontratën për aktivitetin e prokurimit në fjalë

AK, përmes Vendimit dhe Njoftimit për dhënie të kontratës, ka shpërblyer me kontratë OE MEDITECH për këtë aktivitet të prokurimit. Kundër vendimit të tillë të AK, OE i pakënaqur Pharma Leader L.L.C. ka paraqitur ankesë në OSHP.

Përmes Vendimit Psh.nr.397/21, të datës 12.07.2022, OSHP ka hedhur poshtë si të jashtë- afatshme ankesën e OE në fjalë, duke lënë kështu në fuqi Vendimin e AK për shpërbllim të OE "MEDITECH.

Pra, përmes Vendimit të datës 12.07.2022, OSHP realisht i ka dhënë drejtë AK që të nënshkruajë kontratën për aktivitetin e prokurimit në fjalë, me OE MEDITECH. Përkundër kësaj, AK ka vendosur të mos-shfrytëzojë një të drejtë të tillë me një pretendim tërësisht të paqëndrueshëm - kinse për shkak të ndryshimit të çmimeve në treg.

Refuzimi i AK për nënshkrim të kontratës dhe anulimi i aktivitetit të prokurimit nga i njëjti - AK - rrezikon të shkaktojë pasoja serioze jo vetëm për buxhetin e shtetit, por edhe për shëndetin publik të qytetarëve, përkatësisht pacientëve, të vendit. Kjo pasi që produktet që janë kërkuar për Lot 1 dhe 3, përmes këtij aktiviteti të prokurimit, janë me rëndësi esenciale për trajtimin e pacientëve të prekur nga sëmundja e diabetit. Në anën tjetër, anulimi i këtij aktiviteti të prokurimit do të çojë në (a) mos-furnizimin aktual të AK-së me produktet në fjalë dhe në (b) hapjen e aktivitetit të ri të prokurimit nga AK, me të njëjtin objekt si në rastin konkret.

Së pari, hapja e një aktiviteti të ri të prokurimit do të ketë shumë mundësi të ballafaqohet me vonesa të shumta dhe me ankesa të OE për të njëjtat arsye si në rastin konkret. Një gjë e tillë do të shkaktojë vonesa të mëdha procedurale dhe do të shtynte edhe për një kohë të gjatë furnizimin e AK-së me produktet në fjalë. Rrjedhimisht, në raste të tilla do të ekzistonte rreziku që vendi të ballafaqohet me mungesë të insulinave në treg, gjë që do të rrezikonte drejtpërsëdrejti shëndetin e pacientëve që trajtohen me këtë product.

Oferta e MEDITECH është më e lirë se buxheti i AK-së dhe është në përputhje me çmimet aktuale të tregut.

Në rastin konkret, fillimisht duhet të kemi parasysh se oferta e Meditech e zgjedhur për t'u shpërblyer me kontratë është më e lirë se buxheti i AK-së, dhe në linjë me çmimet e tregut. Në tabelën në vijim kemi paraqitur çmimet me të cilat ka ofertuar OE MEDITECH dhe buxhetin e AK-së.

Pra, përkundër rritjes së çmimeve në treg, oferta e OE MEDITECH nuk tejkalon buxhetin e AK-së. Rrjedhimisht, rezulton se ndryshimi i çmimeve në treg nuk ka ndikuar në asnjë formë në rastin konkret.

Po ashtu, fakt me shumë rëndësi është fakti që çmimi i ofertës së OE MEDITECH është në përputhje edhe me çmimet aktuale të tregut. Me inflacionin e lartë dhe rritjen e çmimeve, është e mundur që çmimet të jenë shumë me të larta në një tender të ri.

Përmes dy tenderëve paraprak, në mënyrë indirekte, vetë AK ka vlerësuar ofertën e OE MEDITECH si të vetmen ofertë të përgjegjshme.

UNOPS, agjenci e Kombeve të Bashkuara, në të kaluarën, në cilësi të autoritetit kontraktues, ka realizuar një aktivitet të prokurimit në llogari të Ministrisë së Shëndetësisë, përkatësisht SHSKUK-së, me kërkesën për

furnizim me insulina - sikurse në aktivitetin aktual të prokurimit.

Aktiviteti i prokurimit i zhvilluar nga UNOPS identifikohet si vijon: UNOPS RFQ Ref. No.: "23179-RFQ-005- Supply and Delivery of Insulins", phase I and II (Furnizimi dhe Dorëzimi i Insulinave - faza I dhe II

Në aktivitetin e prokurimit në fjalë kanë ofertuar, ndër të tjerë, edhe OE MEDITECH dhe OE Pharma Leader. UNOPS ka shpërblyer me kontratë OE MEDITECH, për të dy fazat, pasi që ka konstatuar se është i vetmi OE i pajisur me Autorizim Marketing dhe me Certifikata dhe Analiza të prodhuesit, për produktet - insulinat - që janë kërkuar.

Ndërkaq, për OE "Pharma Leader, UNOPS ka deklaruar se, meqenëse i njëjti nuk posedon Autorizim Marketing, produktet e tij, përveç që ligjërisht nuk mund të shpërblehen me kontratë, konsiderohen edhe si tejet të rrezikshme për shëndet të pacientëve. Pra, UNOPS ka eliminuar ofertën e Pharma Leader pasi i njëjti ka ofertuar me produkte të paregjistruara dhe të importuara nga tregje të panjohura - pra, kaparaqitur ofertë të papërgjegjshme, njësoj sikurse në aktivitetin aktual të prokurimit.

Kjo duke marrë parasysh se Autorizim Marketingu është parakusht që lejon shitjen e një produkti medicinal në Kosovë dhe konsiderohet edhe si "pasaporta e barit" pasi që dëshmon kualitetin dhe origjinën e produktit që importohet. Rijedhimisht, sipas ligjit në fuqi dhe praktikës së krijuar nga vetë AK, mos-posedimi i Autorizim Marketingut nuk e lejon OE e caktuar që të shpërblehet me kontratë në një aktivitet të prokurimit.

Për më tepër, në rast të lejimit të shitjes së një produkti medicinal, pa Autorizim Marketing, kompania që plasun atë produkt në treg nuk do të mbajë asnjë përgjegjësi lidhur me produktin.

Si përfundim, të gjitha faktet e lartcekura dëshmojnë se pretendimi i dhënë nga AK për të anuluar aktivitetin e prokurimit në fjalë nuk qëndron dhe lë dyshime për diskriminim të OE MEDITECH. Diskriminimi në dëm të OE, ndërkaq, shkelë parimin kyç sipas të cilit duhet të zhvillohen aktivitetet e prokurimit - parimin e barazisë në trajtim/jo-diskriminimin.

Për më tepër, AK ka anuluar aktivitetin e prokurimit përmes një njoftimi, përkundër që ligji në fuqi përcakton që anulimi duhet të bëhet përmes një vendimi.

Prandaj, bazuar në argumentet dhe shkeljet e elaboruara si më lart, OE MEDITECH, kërkon nga OSHP që, pas shqyrtimit meritor të rastit, të merr këtë.

APROVOHET si e bazuar Ankesa e Operatorit Ekonomik MEDITECH SH.P.K.

ANULOHET Njoftimi i Autoritetit Kontraktues Ministria e Shëndetësisë, i datës 19.08.2022, i lëshuar për OE MEDITECH SH.P.K., si i kundërligjshëm, dhe lënda të kthehet në rivlerësim dhe rivendosje.

Tabela.1 Çmimet e ofruara sipas procesverbalit të hapjes publike të datës 05.01.2021

Nr.	Tenderuesi	Pjesë Lot I Lot III	e-tenderit	Çmimi (me TVSh)	Ndryshimi/
1.	PHARMA LEADER L.L.C.. Veternik, rr. e Gjilanit p.n., 10000, Prishtine	loti-1	PO	36 1,097,4670.	JO
2.	PHARMA LEADER L.L.C.. Veternik, rr. e Gjilanit p.n., 10000, Prishtine	loti-3	PO	2 4,109,006.1	JO
3.	MEDITECH, e Livadhit Çagllavicë. 10000, PRISHTINË	loti-1	PO	2 1,144,726.7	JO
4.	MEDITECH, e Livadhit Çagllavicë. 10000, PRISHTINË	loti-3	PO	4 44,569,08.2	JO

KRITERET PËR KUALIFIKIM DHE VLERËSIM

AK në dosje të tenderit dhe në njoftim për kontratë ka parashtruar kriteret e përzgjedhjes si në vijim:

III.2.1) Kërkesat e përshtatshmërisë:	<i>Dëshmia e kërkuar dokumentare:</i>
1. Një deklaratë e shkruar nën Betim, e nënshkruar nga tenderuesi duke përdorur formën në Aneksin 2.	1. Deklarata nën Betim.
2. Për situatën referuar pikës 6.3 [h (tatimit)], vërtetim i lëshuar nga Administrata Tatimore e vendit të themelimit të operatorit ekonomik, se operatori ekonomik në fjalë nuk është delikuent (shkelës) në pagesën e tatimeve së paku deri në tremujorin e fundit të vitit [para publikimit të	2. Vërtetim i lëshuar nga gjykata kompetente - vetëm për fituesin para dhënies së kontratës.
3. Për situatën referuar pikës 6.2 [a,c,d, e dhe f] dhe pikës 6.3 [a,b dhe d], vërtetim i lëshuar nga gjykata kompetente apo autoritetet administrative të vendit të themelimit të tenderuesit.	3. Vërtetim i lëshuar nga Administrata Tatimore - vetëm për fituesin para dhënies së kontratës.
III.2.2) Përshtatshmëria profesionale:	<i>Dëshmia e kërkuar dokumentare:</i>
1. Regjistrimi si operator ekonomik në regjistrin profesional, komercial dhe apo regjistrin e ndërmarrjeve në vendin e juaj të themelimit.	1. Certifikata e biznesit - kopje.
2. Regjistrimi në regjistrin Fiskal.	2. Kopje e Certifikatës së Numrit Fiskal - kopje.

3. Certifikata për TVSH për secilin partner të një grupi operatorësh ekonomik - kjo vlen vetëm për kompanitë e regjistruara në Kosovë.	3. Kopje e Certifikatës së TVSH-së - kopje.
III.2.3) Kapaciteti ekonomik dhe financiar:	Dëshmia e kërkuar dokumentare:
III.2.4) Kapaciteti teknik dhe profesional:	Dëshmia e kërkuar dokumentare:
1. Të dëshmohet se operatori ekonomik është i autorizuar nga prodhuesi apo nga distributori i autorizuar, për tenderin përkatës, (nëse autorizimi është nga distributori atëherë si dëshmi të sillet kontratë ose autorizim mes dilerit dhe prodhuesit) për shitjen e produkteve që ofertoni. Autorizimi të përmbajë të dhëna të mjaftueshme të kontaktit për prodhuesin, me qëllim të verifikimit).	1. Autorizim nga prodhuesi apo nga distributori i autorizuar, për tenderin përkatës (me të dhëna mbi prodhuesin, si psh adresa, nr. tel, email, web faqja etj, për mundësi të verifikimit).
2. Kërkohej regjistrimi i barit - autorizimi për marketing nga AKPPM, me specifikimin e kërkuar të produktit. Në rast se nuk ka paralele të regjistruar në Kosovë, vlenë UA 02 2014 Për thjeshtimin e procedurave për regjistrimin dhe importin e produkteve medicinale të cilat nuk kanë paralele të regjistruara në Republikën e Kosovës.	2. Autorizimi për Marketing në Kosovë, me specifikimin e kërkuar të produktit. Në rast se nuk ka paralele të regjistruar në Kosovë vlenë UA 02 2014 dhe për dëshmi - Kopja e Certifikatës së Autorizim Marketingut në një vend të BE (si dëshmi se produkti qarkullon në BE).
3. Të dëshmohet se OE është i regjistruar në AKPM si qarkullues me shumicë të produkteve farmaceutike.	3. Licenca nga AKPM si qarkullues me shumicë të produkteve farmaceutike (me validitet) Kërkohej kopje.

Kriter për vlerësim ka qenë çmimi më i ulët i poentuar sipas tabelës në vijim:

INFORMACIONET SHITESË TË MARRA ME ANË TË SQARIMEVE TË KERKUARA NGA E EKSPERTËVE SHQYRTUES.

N/A

VENDIMET E MËPARSHMETË PSH-së LIDHUR ME RASTET E NGJASHME

Vendimim 240/21

ARSYETIMI PËR DEVIJIM NGA PRAKTIKA E MËPARSHME

NA

PËRGJIGJE NË PRETENDIMET ANKIMORE TË OE-ve ANKUES

Përgjigjeje në pretendimet ankimore të OE "Pharma Leader" LLC

Pretendimet ankimore 1,2,3 dhe 4 konsiderohen pretendime të bazuara për faktin se anulimi i tenderit nga ana e AK—Ministrit të Shëndetësisë sipas vendimit të datës 12.08.2022 është bërë në kundërshtim me dispozitat e LPP-së konkretisht me nenin 1 dhe 6 pasi që Njoftimi mbi Vendimin e AK-së për anulim të Aktivitetit të Prokurimit nuk gjen mbështetje në depozitat e nenit 62 të LPP-së.

Arsyetimet e dhëna në Njoftim për anulim të aktivitetit të prokurimit sipas Ekspertit Shqyrtues janë jo parimore për faktin se si arsye merret krahasimi i çmimeve me furnizues të mëhershëm¹ ku për llot I sipas AK-së çmimi i furnizimit për njësi ka qenë 4.25 Euro, ndërsa OE i rekomanduar ka ofruar çmim prej 4.36 Euro, ngjashëm është bërë krahasimi edhe për Lotin III ku sipas AK-së çmimet paraprake furnizuese kanë qenë 4.60 Euro ndërsa çmimi OE të rekomanduar për kontratë është 4.74 Euro.

AK nuk e ka marrë për bazë faktin që Kompania "Pharma Leader" ofron çmim për lot I prej 4.18 Euro, dhe për llot III 4.37 Euro që në vlerë totale në raport me ofertën e rekomanduar dhe krahasimet e bëra dallon jashtë zakonisht shumë.

Në vendimin E Panelit Shqyrtues nr. 240/21 të datës 25.03.2021 kërkohet që aktiviteti i prokurimit të rivlerësohet për shkak se sipas vendimit të datës 05.03.2022 AK nuk ka respektuar kriteret kualifikuese dhe vlerësimi i ofertave nuk është bërë në përputhje me nenin 59 të LPP-së, pasi që sipas këtij vendimi për kontratë rekomandohet OE "Meditech" i cili ofron çmim me të lartë dhe njëkohësisht konsiderohet ofertë e përgjegjshme ..

Edhe pse vendimi i Panelit Shqyrtues kërkon rivlerësim të ofertave AK në vendimin e datës 28.04.2021 përsëri për kontratë e rekomandon OE."Meditech" edhe përkundër që dallimi në çmim është afër 400 mijë Euro.

Gjithashtu lidhur me këtë vlerësim në bazë të kërkesës për rishqyrtim të parashtruar nga OE "Pharma Leader" me datë 30.04.2021 Eksperti shqyrtues i OSHP-së lëshon ekspertizë me nr. 397/21 dhe rekomandon që AK të rivlerësoj aktivitetin e prokurimit.

Lidhur me këtë aktivitet të prokurimit fillimisht nga AK-Ministria e Shëndetësisë për kontratë për Lot I dhe 3 fillimisht ishte rekomanduar OE "Pharma Leader" ndërsa OE "Meditech" kishte rezultuar si OE i pasuksesshëm pasi që çmimi i tij ka qenë shumë më i lartë në raport me OE të rekomanduar pasi kriter për vlerësim ka qenë tenderi i përgjegjshëm me çmim më të ulët.

Pas kërkesës së parashtruar për rishqyrtim nga ana e OE "Meditech" AK ndryshon vendimin dhe tani për kontratë rekomandon OE "Meditech" ndërsa OE "Pharma Leader" e kualifikon të papërgjegjshëm.

¹ Nuk dihet s e për çfarë kontratash behet fjale dhe ato kontrata nuk mund të jenë objekt trajtimi nga Eksperti Shqyrtues

Sipas rivlerësimit të datës 26.02.2021 ku për kontratë rekomandohet OE "Meditech" edhe pse sipas vendimit të Panelit Shqyrtues nr. 240/21 të datës 25.03.2021 dhe ekspertizës e ekspertit shqyrtues nr. 397/21 të datës 31.05.2021 konsiderohet jo i drejtë dhe në kundërshtim me nenin 59 të LPP-së

Fakti që AK nuk ka respektuar vendimin e OSHP-së nr240/21 konsiderohet shkelje e nenit 105 të LPP-së sepse vendimet e Paneleve Shqyrtuese janë detyruese për palët .

Vlerësimet dhe konstatime e eksperteve dhe njëkohësisht vendimi i Panelit Shqyrtues janë injoruar nga ana e Autoritetit kontraktues për faktin se për kontratë AK ka rekomanduar OE me çmim me të lartë përkundëjt OE me çmim me të lire i cili fillimisht ka qenë i rekomanduar për kontratë ndërsa me vonë rezulton si OE i papërgjegjshëm

Pretendim nr. 5 dhe 6 konsiderohet i bazuar për arsye se OE "Pharma Leader" i ka plotësuar kriteret kualifikuese që kanë të bëjnë me nenin 69 të LPP-së pasi që është dosje të tenderit kërkesa ka qenë si në vijim: *Kërkohej regjistrimi i barit - autorizimi për marketing nga AKPPM, me specifikimin e kërkuar të produktit. Në rast se nuk ka paralele të regjistruar në Kosovë, vlen UA 02/2014 Për thjeshtimin e procedurave për regjistrimin dhe importin e produkteve medicinale të cilat nuk kanë paralele të regjistruara në Republikën e Kosovës.*

Sipas vlerësimeve nëse OE nuk ka Autorizim për Marketing të lëshuar nga AKPPM do të thotë se i lejohet mundësia që përmes UA 02/2014 të bëjë importin produkteve medicinale për ato produkte që nuk kanë paralele në Kosovë .

Lidhur me këtë çështje zyrtaret e Autoritetit Kontraktues kanë kërkuar sqarim nga AKPPM dhe në bazë të përgjigjeve konkrete ka rezultuar që produktet e ofruara OE "Pharam Leader" nuk kanë paralele dhe si të tilla mund të nënshtrohen UA 02/2014 për thjeshtësim të procedurave për regjistrim dhe importim të produkteve meridorionale pasi që e nuk janë produkte paralele .

Provë: komunikim mes AK-së dhe AKPPM-së

Për më tepër i referoheni komunikimit në mes AK-së dhe AKPPM të datës 05.02.2021

Operatori Ekonomik "Pharma Leader" me datë 16.08.2022 parashtroi kërkesë për rishqyrtim atakon njoftimin për anulim të aktivitetit të prokurimit të datës 12.08.2022 dhe lidhur me këtë kërkesë AK përmes njoftimit të datës 19.08.2022 e njoftoi OE ankues se kërkesa e tij për rishqyrtim refuzohet si e pa bazuar dhe në fakt nuk jap përgjigje në pretendimet ankimore

Gjithashtu OE "Meditech" me datë 17.08.2022 parashtroi Kërkesë për Rishqyrtim e cila kërkesë refuzohet si e pa bazuar dhe me datë 19.08.2022 njoftohet OE se mbetet në fuqi vendimi i datës 12.08.2022 për anulim të aktivitetit të prokurimit

Sipas pretendimeve ankimore të parashtruara nga OE Pharma Leader "Kërkesa për Rishqyrtim" e datës 17.08.2022 e parashtruar nga "Meditech" ka qenë jashtë afatshme dhe në kundërshtim me nenin 108/A dhe Rregulloren për parashtrim të kërkesave për rishqyrtim apo ankesave në OSHP.

Bazuar në nenin 108/A paragrafi 3.3 në qoftë se shkelja e supozuar ka të bëjë me vendimin për anulimin e

procedurës së prokurimit, kërkesa për rishqyrtim tek AK duhet të behët brenda pesë (5) ditëve nga data kur aktiviteti prokurimit është anuluar zyrtarisht përmes njoftimit për anulim në të kundërtën duhet refuzuar si të jashtë afatshme.

Gjithashtu sipas rregullore F03 Rregullat për paraqitje të kërkesës për rishqyrtim pranë Autoriteteve Kontraktuese, parashtrim të ankesave pranë OSHP afatate sipas nenit 4 për paraqitje të kërkesave për rishqyrtim janë si ne vijim:

I. PARAQITJA E KËRKESËS PËR RISHQYRTIM PRANË AUTORITETIT KONTRAKTUES

Neni 4

Periudha kohore për dorëzimin e një kërkesës për rishqyrtim pranë Autoriteti Kontraktues

Kërkesa për rishqyrtim duhet të paraqitet me shkrim dhe duhet të dorëzohet tek autoriteti përkatës kontraktues, me postë ose me çdo mjet tjetër të komunikimit të lejuar me këtë ligj, brenda afateve të mëposhtme:

- a) Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave.
- b) Kurdo që kërkesa për rishqyrtim ka të bëjë me vendimin për dhënie të një kontratë ose të një konkursi të projektimit brenda afatit prej pesë (5) ditëve pas datës së njoftimit për dhënie të kontratës ose njoftimit mbi rezultatet e konkursit të projektimit që i është dërguar ankuesit.
- c) Kurdo që kërkesa për rishqyrtim ka të bëjë me vendimin për anulimin e procedurës së prokurimit, brenda pesë (5) ditëve nga data kur aktiviteti i prokurimit është anuluar zyrtarisht përmes njoftimit për anulim.

Eksperti konstaton se njoftimi për vendim për anulim të aktivitetit të prokurimit është bërë me datë 12.08.2022 ndërsa kërkesa për rishqyrtim nga OE "Meditech" është parashtruar me datë 17.08.2022 që do të thotë se Kërkesa për Rishqyrtim e pranuar dhe shqyrtuar nga AK është në kundërshtim me rregullat e cekura më lartë.

Gjithashtu AK edhe përkundër vendimit për pezullim të aktivitetit të prokurimit të marrë me datë 29.08.2022 si rezultat i parashtrimit të ankesave në OSHP me datën 02.09.2022 ka marrë dy vendime dhe janë publikuar në e-prokurim për OE të cilët kanë parashtruar ankesë dhe kjo bëhet ndesh me nenin 112 të Ligjit pasi që me rastin e parashtrimit të një anekse AK ka për obligim që të pezullojë aktivitetin e prokurimit dhe nuk ka të drejtë të marrë asnjë vendim me përjashtim kur kryeartit apo kryetarja merr vendim për heqje të pezullimit automatik.

Përgjigjeje në pretendimet ankimore të OE "Meditech" SHPK

Bazuar në dispozitat e nenit 108/ paragraf 3.3 dhe dispozitat e nenit 4 të rregullores për parashtrim të kërkesave për rishqyrtim dhe ankesave në OSHP (F03) Kërkesa për rishqyrtim nga OE "Meditech" parashtruar me datë 17.08.2022 tek AK- Ministria e Shëndetësisë kundër njoftimi për anulim të aktivitetit të prokurimit të publikuar me datë 12.08.2022 në fakt ka qenë kërkesë e parashtruar jashtë afatit ligjor

Për shumë ankesa që janë parashtruar në OSHP nga operatorët e ekonomik që nuk i kanë respektuar afatet kohore për parashtrim të Kërkesave për Rishqyrtim tek Autoritetet Kontraktues nga ana OSHP-së janë hedhur poshtë si të palejuara.

Pavarësisht kësaj Eksperti Shqyrtues vlerëson se në pretendimet ankimore për masë respektim të dispozitave të nenit 7, 60 dhe të nenit 62 të parashtruara nga OE. Meditech “ konsiderohen pretendime ankimore të bazuara

Me rastin e anulimit të aktivitetit të prokurimit nuk janë plotësuar asnjëra nga depozitat e nenit 62 të LPP-së, por autoriteti kontraktues është thirrur në argumentin se ka ndryshime të çmimeve në treg dhe njëkohësisht bën një krahasim të çmimeve të ofruesve nga OE “Meditech” me çmime të kontratave tjera të cilat nuk dihet se në çfarë kushtesh apo rrethanash janë lidhur ato kontrata.

AK nuk mund të marrë si pretekst për anulim të aktivitetit të prokurimit ndryshimet e çmimeve në treg deri sa OE pjesëmarrës shprehin interesim për një aktivitet të prokurimit dhe qëndrojnë prapa çmimeve që kanë ofertuar.

Pretendimi ankimor nr 2 është jo i bazuar për faktin se OSHP në vendimin e datës 12.07.2022 nr.397/21 nuk ka predikuar rezultatin dhe përmes këtij vendimi vetëm OSHP-në e ka shpallur inkompetent për shkak se ka kaluar afati i rregullt për shqyrtim dhe trajtim të ankesave dhe përmes këtij vendimi përgjegjësia e drejtpërdrejtë ështëënë tek autoriteti kontraktues.

Pretendimi ankimor nr 3 është pretendim i bazuar pasi që çmimi është brenda buxheti të përcaktuar që do të thotë nuk ka tejkalim të buxheti të planifikuar.

Për pretendimin ankimor nr 4 eksperti shqyrtues nuk mund të jap vlerësim pasi që në këtë pretendim bëhet fjale për aktivitet tjera të prokurimit të cilat nuk janë objekt i shqyrtimit dhe nuk mund të jap vlerësim se si UNOPS i ka zhvilluar aktivitet të prokurimit pasi që kriter vlerësimi nuk mund të jetë vetëm çmimi por edhe kushte tjera të kontratës dhe njëkohësisht kualiteti.

Si përfundim Eksperti vlerëson se Autoritetit kontraktues duhet ta anulojnë njoftimin e datës 12.08.2022 për anulim të aktivitetit të prokurimit dhe të bëjë rivlerësimin e ofertave në përputhje me kriteret e përcaktuara për kualifikim dhe kriterin e përcaktuar për vlerësim

Mos marrja për bazë e kriterëve të përcaktuara për kualifikim dhe kriterëve të përcaktuara për vlerësim gjatë rivlerësimit nënkupton se AK do të shkel parimet bazike të LPP-s siç janë konkurrenca transparente dhe trajtimi i barabartë pasi që mos zbatimi i këtyre parimeve nënkupton favorizim /diskriminim në favor të njërit apo tjetrit pale dhe njëkohësisht do të dëmtoj institucionin edhe në aspektin financiar.

Mendimi i Ekspertit Shqyrtues

Duke u bazuar në vlerësimet dhe konstatimet e lartcekura Eksperti Shqyrtues i rekomandon Panelit Shqyrtues që ankesat e OE ankues te aprovohen të bazuara dhe njëkohësisht propozon Autoritetit Kontraktues që të anulohet njoftimi i datës 12.08.2022 për këtë aktivitet të prokurimit dhe të ri-vlerësoj ofertat.

Raporti të dorëzohet:

- | | |
|---------------------------|------------------------------|
| - Autoritetit Kontraktues | - Komuna e <u>Vitisë</u> |
| - Panelit Shqyrtues | - OSHP. |
| - OE ankues | - <u>“Pharma Leader” LLC</u> |
| - OE ankues | - “Meditech” SHPK |
| - | |